

# L'enviern e sia fascinaziun en il Grischun

La Terra Grischuna dat bleras invistas e metta accents

■ (anr/gc) La davosa ediziun da la Terra Grischuna (TG) 6/2013 è deditgada a l'enviern en noss chantun. Cun quel numer da la revista per natira, cultura e temp liber prenda era Markus Joos cumià da la redacziun. Durant na main che 25 onns ha el dà renconuschidamain ina plaschavla furma ed interessant cuntegn a la Terra Grischuna. Ses successur è Christian Dettwiler. Edida vegn la TG da la Südostschweiz Presse und Print a Cuira.


## In sguard en il cuntegn

L'enviern entschaiva cun l'advent – oz daventà in temp plain hectica avant Nadal. Pli baud eran las emnas avant questa festa in temp calm, passentà en gigna, uraziun e preparaziun meditativa. Oz è l'advent in temp da festa en gronda glichschur e da preparar en bainstanza creschenta ils regals da Nadal. Mo era festivals d'enviern han conjunctura auta, sch'ins patratga vid quel dad umor ad Arosa. Vitiers vegnan era numerus concerts da Nadal e per la fin da l'onn – e quai sin aut nivel.

Adina pli blers s'absentan dals lieus da sport d'enviern cun lur hectica e vulan evenimentar l'atmosfera da quel temp senza meds tecnicos, sa muentond plau-net vinavant tut a pe. Sco excursiun adattada persuerter vegn la ruta tranter la stretga Val Bever vers la vasta planira da l'Engiadina fin a Puntraschna recumandada. Evenimentar las muntognas pon ins dentant era tras far diever dad attractivas purschidas da sport. Mintgina da las 18 regiuns da vacanzas en il Grischun ha ses highlights.

Tar la fascinaziun d'enviern en Engiadina s'auda senza dubi ses maraton da skis. I sa tracta dal pli grond eveniment da sport popular en Svizra, organisà per fetgamain. 1969, cu tut ha entschavì, han 945 curriders prendì part. Ils davos onns èsi stà fin a 12 000 participants ord 40 pajais. Ils pli blers èn Svizzers. Il proxim maraton d'Engiadina ha lieu ils 9 da mars 2014 – e quai per la 46. giada.

Pli che 300 pendicularas ed indrizs da transport cun 2200 km pistas preparadas en la basa per pudair far sport d'enviern en il Grischun. Per che tut funcziunia ba-



Frontispizi da la Terra Grischuna 6/2013.

MAD

segna i grondas preparativas ch'entschavian gia la stad ed er adina puspè novas investiziuns èn necessarias. – Ir cun skis ed aissa da naiv (snowboard) èn ils pli populars sports en Svizra. Passa 2 milliuns persunas fan quel sport. Onn per onn sa blessechan 43 000 skiunzs e skiunzas e 24 000 aissists ed aissistas. Pendicularas e runals ston prender tuttas mesiras per als pudair transportar spert a val u en spital.

Sut il titel «Naiv è in material comic» vegn descrit co l'Institut da perscrutar naiv e lavinas a Tavau fa dapì 1936 tut il pussaivel per dar exactas prognosas da lavinas. Là èn enturn 130 collavuratur ord 15 diversas naziuns occupads.

## En il «Magazin»

Là vegn t. a. descrit l'En sco furmader internaziunal da la cuntrada davent dal Pass Lunghin fin a Passau, nua ch'el sbucca sco grond flum – sunter 517 km – en il Danubi. – Preschentada vegn l'uniun che tgira en il Grischun tecnicas preistoricas da chatscha. – Ina introducciun datti en ils munds surrealistics da fantasia en lain. Il creader da quellas sculpturas, Peter Leisinger, dat vita a figuras da lain a Malans ch'el furma cun sia resgia a motor.

Era questa Terra Grischuna è variada, illustrada plaschavlamain e da vast cuntegn cun temas bain preschentads.